

西南稀見方志文獻

第四十六卷

中國西南文獻叢書



中國西南文獻叢書·第一輯

西南稀見方誌文獻

第四十六卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

石阡府志	〔清〕邱任偉等修纂……………	一
續修正安州志	〔清〕彭焯修 楊德明纂……………	一三五
安南縣鄉土志	〔清〕易心澄纂……………	三三七
貴定縣志稿	〔民國〕續修貴州通志貴定縣採訪處編……………	四一三

【清】邱任偉 等修纂

石阡府志

《石阡府志八卷》，清邱任偉等修纂。任偉，豫州商邱人，官石阡府知府。本書據清光緒二年（公元一八七六年）刊本影印，原書成品尺寸爲二十二厘米乘十三點五厘米，版框尺寸爲十九點五厘米乘十一點五厘米。

重修志序

石阡府設自勝朝永樂間終明之世未聞有志越我朝乾隆二十九年

儒臣續纂一統志

天下省會各修通志上之史館而臺省大臣轉檄郡邑新舊志悉充採錄於是前守羅君文思創為石阡府志迄今百有餘年矣陵谷間里之變遷城池倉廩之興廢賦役征權之沿革戶口物產之增減與夫名宦鄉賢忠臣孝子文人詞士義夫節婦代不乏人若不乘

石阡府志

叙

時補輯何以紹前修而俟來哲齊壽於庚午冬奉憲檄守斯土到任未及一月而苗逆迭至均經紳團同仇堵勦得保無虞稍平隨遍搜郡志盡遭焚劫即志板亦百不一存求之既久始於周尚濂司馬處獲觀舊帙亦朽蠹不堪吁良可慨已齊壽恐久失其傳爰自行捐貲會集鄉先生設局分編朝咨夕考徵文求獻勒為成書抑亦典郡者之責矣古人謂修史之難無過於志蓋以志者識也志其地志其時志其事三才之道備焉故語不可以不詳擇不可以不精此

志之所為難也齊壽自下車以來上稟

大威下求民瘼間嘗綜時勢而論之郡地居在南服素尚質樸近年苗疆反覆生民凋疲守斯土者當此瘡痍未平尤宜興利除害力勤撫綏竊有志焉未逮乃今以當官之務謬附撰述之林志其地則思治與地宜志其時則思政因時立志其人則思人以事傳後之來者統理人倫慎固封守胥將於志焉是取掌故云乎哉抑又聞之龍門之史質而不俚扶風之書瞻而不穢郡志規模視國史雖隘然苟立體撰詞決擇未

石阡府志

叙

二

當其失維均此管蠡之測識所嘗是正於鄉先生者竊願以一郡之志上之臺省可叅信史頒之邑司可作政書仰惟

聖人在上一道德同風俗是書儼列承流宣化之中鄉先生有道而文蓋邦國之光也已顧獨慙典郡者以庸碌之材歷任部曹出典巖疆未克仰追前賢光昭簡冊此則耿耿於中不自釋者也

同治十年辛未仲夏知石阡府事恩南府知府建止方齊壽叙

重刊志序

朝廷有吏郡縣有志其為勸懲一也顧史之勸懲上達王侯將相其功大志之勸懲下逮官吏士民其效捷二者皆

國家所不廢者也我

皇上御極之九年冬方公暢九調守石阡鄰氛竄擾

公以團練府兵擊而平之越明年道通達民安輯徵文考獻而乾隆時太守羅公文思所脩郡志兵燹之餘蕩然無存公深以為憂多方訪求毅然以續脩

石阡府志

叙

三

為己任而郵致於余囑為文以序其事余謹受命焉客有見而詰者曰方今黔省時勢武備獨宜急脩耳脩志何為余曰不然自古循良為政值亂固有撥亂之謀已安則求久安之道道奚先先吏治吏治者士習民風視以轉移而即治與亂之大關鍵也則脩志尚焉嘗讀征苗記云初苗畏官如神畏隸如官自永綏竊牛一訟株連需索於是謂官貪婪不足畏遂激石滿宜之亂雖早經撲滅然苗孽已開至於今害未已設使當日官吏取志讀之其守令也賢反而勸勉

其守令也不賢反而創懲無冤民自無亂民又何致

兩階干羽隱伏戈矛百萬生靈頻遭塗炭也哉由是觀之公非徒考山川紀景物云耳蓋有深謀遠慮存乎其間矣又況學校有制賦役有經鄉賢名宦有其人忠孝節義有其事何一不可維吏治即何一不可端士習而正民風志之為義大矣哉然則武備遂利體民情三者皆志所具備而兵制尤其顯焉者也孰謂脩志而武備廢弛與客不能詰爰筆而贊之

石阡府志

叙

四

公至於山川景物公之命意所不在余之數典亦多忘請俟諸博物君子焉同治十年歲次辛未仲秋月知八寨同知事西蜀北陳世芳謹序

重修石阡府志序

同治五年傳堂奉

天子命典守斯郡七年春始得與此邦人士相接維時正值兵燹之餘田土荒蕪賊氛未靖中宵數起巡視城垣諸生語及舊時府志自燬於寇片版無存欲請重修以垂永久因思吾民社席未安百廢均待舉行自應先其所急蓋有志焉而未逮也九年冬卸篆回省適接署者為方君暢九迺得以暇搜輯遺編採訪輿論規模掇具付之手民而方君以去迨癸酉之春余

石阡府志卷一

序

一

再回視事急觀新志將次告成深喜文獻信而有徵實諸紳之相與有成並以成余夙志也余一再承之先後七年愧於地方少所裨益今將解任赴都引

見倘承

簡命重履此邦仍得與諸紳民共游

恬熙之世當使斯志踵事增華是則私心所切望者耳

時官斯土者

御前侍衛世襲騎都尉石阡營都司常山教授毛鴻遇訓導許堯佐署經歷陳仕星千總楊正福把總李承恩

外委張仁順副長官楊映宗董其事若舉人楊大鏞候選同知周尚濂貢生夏純彥候選訓導陳丹書李飛鵬生員夏純清廖速陞例得備書

時

光緒二年歲在柔兆困敦春王正月下澣穀旦

花翎卓異補用道知石阡府事豫州商邱任偉堂敬序於郡署之嘉樂堂

石阡府志卷一

序

二

石阡府志

總論 舊冊載

論志於今日之石阡難言之矣沿革之制波詭雲濤代不一揆採風問俗瀄橫日離方產寥寥獨異他郡戶口凋零土田草竊貢賦徭役之縮額視昔徑庭城池闕梁閭焉未修亭館坊市寺觀古蹟遷謫流寓詢其故處強半在荒煙野蔓中惟山川之流峙疆域之繡錯覺亘古未易他如名宦鄉賢之隸乎學校者既與郡署經營並舉矣而秋祀其何以隆之兵防其何

石阡府志

卷一

總論

一

以固之郵傳惠政其何以調停而光復之職官其何以靖共表率之科貢恩典孝義貞節其何以鈞陶顯庸激勸風厲之祥何以疑異何以消紀兵其何預戒以弭之是皆修志者之所必思傍徨却顧而不能釋諸懷也編維昔志之修率舉郡典所有相沿數百年後寢失其傳官於茲土悠同而牆一二紳士者碩仕雖乍歸亦了不能記憶掌故殘編悉亡於亂安得郡尚有志可以起人之流覽低徊乎守憲觀察黃公經濟與行嗜古耽奇黔中阨塞要害之區蔥鬱連漪

之景林總盛哀賦徭盈縮之原委一一洞若觀火而

於所轄石阡等郡之利弊興廢尤極樞機條貫因喟

然於鼎革以來邊疆草昧郡無專乘非所以翊贊

治運昭示來茲乃於藩司錄黔省通志攜歸伏讀

而思曰今日阡境之志有不可易者有可易者有易

循者有未易遽循者有已修者有未修者有有待者

有若有待而實無待者有在天者有在人者有以定

可勝天者沿革形勝疆域山川非高下之定位則古

今之損益此不可易者也風俗如陶甓難土填器型

石阡府志

卷一

總論

二

之厚則厚型之薄則薄此可易者也兵防職官科貢

恩典我

朝有脩無患授祿賓興昭忠教孝俱立於無可加之地

此易循者也戶口土田方產貢賦徭役郵傳惟子滿

之不堪悉索故曩額所懸節年報補此未易遽循者

也公署學校名宦鄉賢迄於秩祀釐舉不墜此已修

者也城池俟歲有而再築闢梁擇所急而徐圖此未

修者也惠政坊市孝義貞節類皆積貲施濟屬世庶

鈍之規未可久廢此有待者也遷謫流寓亭館寺觀

古蹟修之僅供驛客之憑弔不修無損政治之純全此若有待而實無待者也祥異迭見何代無之此在天也特書紀兵以示折衝此在人也化異為祥遇兵未萌此又人定可勝天者怵目警心於志焉寓然則志曷可少哉茲偕推官陳君龍巖夙夜殫心網羅舊聞祇存什一於千百不能成一郡之志以副觀察之盛心不禁仰而嘆曰欲成其書必待其人敢以俟後之君子

康熙三年甲辰中秋日知石阡府事三韓劉啓復撰

石阡府志

卷一

總論

三

石阡府志叙
舊冊載

粵稽代不乏志然則欲修阡之志也夫豈無舊章可循哉而奚為憂憂乎其難之訪諸紳士曰自明之一統志成而阡志脩矣歷二百年餘人莫不家珍戶襲各有冊冊以為居今稽古之用至崇禎末葉而志亡何者苗叛不已毒流惟阡罹為甚烈以故輿墳殘廢貯在城者悉為悍弁逆卒收半焚半散在野者非變而為苗犵之鎧甲則化為為簞碕之苔莓即求其所謂斷簡殘篇而亦烏有况其志乎迨我

石阡府志

卷一

叙

四

朝定鼎修來黔服先蒞茲土者視夫戶口之凋零土地之草竊貢賦徭役之縮額闕梁亭館寺觀之傾圯愴然而思即欲志之卒以漫無所據而已焉是阡志之漸減也非一日矣茲幸恭逢大憲振興古道嘉惠遐方雅見同文盛世不可無型方訓俗之典遂銳意於著述而以身任班馬所不能勝之任爰引同心重修黔志檄下購徵阡志甚懼無以副大憲之至意亟商廣文劉世忠敦請郡士楊毓華全延庚日夜殫心遠蒐密索或得諸殘編或得諸敝笈若沿革

膠若方產等增康熙三年舊冊所載者無幾究不能成一郡之志嗚呼一代之著述非一代之偉人不能成要惟

天子御極於上

臺輔治理於外歷覽方隅審觀謠俗考核其阨塞險固以知其措置所宜控馭所急先握著述之本而後合一郡所採陳斟酌損益勒為章憲務期他日用以快

皇圖而展

帝城詎非天地間鴻文巨冊也哉雖曰欲成其書必待其

石阡府志

卷一

叙

七

人蓋久道化成化成則政備俟之君子以成一郡之志當必與天祿石渠之所儲並垂不朽矣是叙康熙九年庚戌仲夏上浣之吉知石阡府事彭可謙

黔阡紀要

文思守石阡閱黔省通志詳且備矣先王父遊黔紀載黔為荆梁邊陲同三吳楚蜀皆未通中國黔尤鄙遠開闢最後商曰鬼方周曰靡莫戰國時楚將莊蹻畧地至於且蘭始附楚張儀欲以商於易黔中即其地楚滅併於秦為黔中郡黔之名於是乎見漢元鼎六年平西南夷置牂牁犍為越雋武陵四郡犍為隸蜀越雋隸滇武陵隸楚牂牁則黔地也蜀漢興古即今之安順隋之巴東黔安清江明陽四郡唐貞觀十

石阡府志

卷一

紀論

七

六年拓其地置牂夷播珍等州屬黔中劍南二道採訪使其時所謂黔中者思南思州黎平鎮遠都勻興石阡及附近楚蜀也惟貴陽不與焉五代時楚王馬殷遣八姓帥率邕管柳州兵討兩江溪洞留兵戍之遂各分據號八番是為定番州宋至道三年以之分隸荆湖劍南二路宣和元年以田佑恭加貴州防禦使嘉定元年以宋永高擢貴州經畧安撫使黔稱音州始於此元憲宗時于矢內附至元十六年西南八番羅氏等國亦內附置八番羅甸等處宣慰司十二

年討羅氏鬼國十九年以降夷八番金筑百萬寨皆為郡縣置順元路金筑府領其事二十年討平九溪十八洞並置郡縣立總管府俱聽順元路宣慰司節制間設流官實同羈縻無城郭田賦之制無鄉會賓興之典猶然荒服也明初分隸滇楚蜀三省洪武四年蠻長密定等舉土來附置貴州衛五年命江陰侯吳良討平古州等處置永寧衛八年置黃平所十年命安陸侯吳復討普定阿買寨十四年命穎國公傅友德徵雲南為徵南將軍還置貴州之普定烏撒兩

石阡府志

卷一

紀論

七

衛十五年開設屯堡築貴州省城設貴州都指揮使司領各衛所以汝南侯權其事卒以平涼侯署理是時紀綱初定十六年置普定軍民府都勻安撫使既永寧州改習安州為安順州立畢節衛十八年恩州苗判命信國公湯和為征普將軍周德興副之帥師從楚王平其地洞蠻吳而克冠古州復命信國公從楚王勦平十九年夏六月穎國公討平越麻哈二十年命靖寧侯葉昇普定侯陳桓討東川普定諸蠻平之屯田於畢節等衛二十一年東川蠻復叛以

侯沐英普定侯陳桓俱從將軍穎國公帥師討平仍命普定侯屯田畢節宋國公馮勝鎮永寧二十二年狼洞黃平苗叛穎國公移師勦服置赤水興隆安莊三衛平普旦阿資馬乃置普市所二十三年命延安侯勝宗討平貴州叛苗置新添龍里威清安南平壩

石阡府志

卷二

紀論

八

分命夏國公顧成討水西楚王湘討古州都督楊文討清平黔陽平羌將軍何福擒永寧蠻十八加如討畢節都勻進征五開諸蠻悉平永樂十一年叛苗田琛田宗鼎伏誅罷羅甸宣慰司置思州黎平思南鎮遠銅仁石阡各府設貴州布政使司貴州於是乃為專省十三年改普安安撫司為州十八年設貴州按察使司洪熙元年令貴州就試湖廣宣德元年詔令雲貴兩省鄉試正統元年以木瓜麻嚮大華割屬金

巡撫貴州六年添設屯田副使九年置施秉縣其偏橋衛與鎮遠衛仍屬湖廣十四年印水草塘爛土凱口諸苗叛陷思州都勻黃平思南石阡等衛府總督侯璉率副總兵官方瑛討平之景泰元年苗賊韋同烈叛據清平之香爐山命保定伯梁瑤督征二年韋同烈伏誅是年設駐巡撫天順元年大壩山都掌蠻叛成化三年兵部尚書程信督川湖雲貴四省兵討平又打罕州土蠻韋阿禮叛調泗城兵會勦平之八年裁巡撫十年置程番府十一年巡撫復設弘治四

石阡府志

卷一

紀論

九

年爛土蠻叛五年副都御史鄧廷瓚帥師討平之六年置都勻府改印江司為縣八年置麻哈獨山二州清平永從兩縣十一年普安夷婦米魯叛執太監右布政司閻鉅死之置鎮遠縣其鎮遠衛與偏橋衛仍之十六年南戶部尚書王軾討米魯平之正德二年復裁巡撫五年再設六年平賊方四八年平臥龍司賊王倫十一年討香爐山叛苗不克十二年湖貴合師討平十四年芒夷寇永寧嘉靖四年參將何鄉平之六年芒夷復叛仍以晉階副總兵何鄉討平十四

年開科本省學者日益多十六年都勻苗叛十九年金石司苗叛二十一年銅鎮苗叛陷石阡府執推官鄧本中官兵前後討平二十七年羅番龍受祖叛黨賊龍許保陷印江二十九年銅仁苗陷思州知府李允簡死之三十年置銅仁撫苗通判三十一年平金筑叛苗阿季是年設總督駐沅州節制湖川貴三省隆慶二年改程番府為貴陽府蓋以金筑平伐二司移治省城為首郡萬曆三年平者芽苗玄寧威營十四年以程番府舊治置定番州十九年置新貴縣二

石阡府志

卷一

紀論

十

十四年遷貴陽府學於北關二十六年置銅仁縣二十七年皮休蠻叛播賊寇平越刺都司等官復寇東波烏江及龍泉恭將以下多死之賜總督李化龍劄令便宜從事二十八年貴撫郭子章會總督李化龍湖撫支可大誓師討播楊應龍自縊死餘黨悉平以其地設平越遵義兩府湄潭甯安等十縣平越府轄平越湄潭甯安餘慶四邑以龍泉一邑屬石阡府俱隸於黔遵義府轄遵義綏陽桐梓仁懷正安隸於蜀二十九年貴撫郭子章會楚師粵師勦皮休三十年

石阡府志

卷一

紀論

十一

改安順州為軍民府三十一年奢賊叛次年平改水德司為安化縣三十四年征東路苗三十七年紅苗劫印江縣典史邵士元死之三十九年置廣順州四十四年平定番仲苗天啓二年二月水西羅鬼安邦彥叛圍貴陽總督張我續領兵來援十二月圍解城中餓斃者過半苗獫之害於茲最酷三年進師六廣四年巡撫王三善督戰為逆賊陳其愚詐降遇害同時遇害參將以下百十餘人御史傅宗龍疏請赴黔討賊詔命以巡按監軍五年擒其愚誅之餘衆服進

石阡府志

卷一

紀論

十一

奢威總所及無遠不服順治十五年命經畧洪承疇平定貴州全省通黃平水路十七年馬乃苗叛平其地置普安縣康熙三年水西羅鬼安坤叛命吳三桂討服以水西為黔西府比刺為平遠府大方為大定府烏撒為威甯府烏撒衛仍其舊五年平郎代誅龍安藩十一年改龍里清平都勻衛為縣裁安莊衛歸鎮寧州裁黃平所歸黃平州裁新平所歸普安縣十二年廣順州苗叛刺吏目蔣士璘二十二年改黔西平遠二府為州割湖廣之鎮遠偏橋二衛歸黔二十五

年徙土司韋有倫等以其地入永從縣二十六年改貴前二衛為貴筑縣數勇衛為修文縣以修文濯靈熄烽於裏四所益其地裁新添衛歸貴定縣改威清鎮苗二衛為清鎮縣益以赫聲威武二所改平壩衛為安平縣益以素遠所改安南衛為安南縣裁普安衛歸普安州裁定南所歸普定縣改永寧畢節二衛為縣裁普市所歸永甯裁赤水衛歸畢節裁烏撒衛歸威寧府政府為州裁興隆衛歸黃平州三十四年新貴縣於貴筑裁安龍所為南龍廳歸安順廳

二年改湖廣之王屏清溪夫柱開泰錦屏五縣隸黔
中三年巡撫毛文銓討定番叛蠻擒賊首阿近斬之
四年威寧鎮總兵官石禮哈率師討古州生苗設古
州兵備道置永甯州五年改南籠廳為南籠府六年
改遵義合屬歸貴州八年以新開苗疆設同知三駐
八寨者隸都勻駐清江者隸鎮遠駐古州者隸黎平
設通判三駐都江丹注者俱隸都勻駐歸化者隸安
順九年討平松桃紅苗移正大營同知駐其地隸銅
仁於郡岱設同知隸安順割廣西之荔波縣隸都勻

石阡府志

卷一

紀論

三

十年古州苗復叛巡撫元展成發兵勦捕傷我兵副
將等十餘人署提督鶴麗鎮總兵官討平提督哈元
生至自京除其餘黨十一年改天柱縣隸鎮遠移大
定府通判駐水城移清江同知駐台拱設通判駐清
江俱隸鎮遠十三年古州苗復叛陷黃平清平等州
縣經畧張廣泗帥川湖粵滇黔五省兵討平斬首萬
餘設古州總兵官清江副將等鎮其地千百年苗患
至此一靖守斯土者撫司道大員貴陽等十三府長
寨等六同知丹江等七通判定番等十四貴筑等

呈上

三十四縣鄉科額取四十四人聲名文物埒於
矣此游黔記所載較省志更詳且備也我
御極以來士樂於庠民安於野乾隆元年至於
苗恭順共享太平之福石阡黔中一隅也地東界
仁南鎮遠西遵義北思南文思二十八年癸未孟秋
月朔蒞茲土巡歷山川土田咨紳士父老遺事欲成
郡志公暇輒搜舊訪古凡斷碣殘碑必往摹搨偶有
剝漏虛衷討論而續補之越明年甲申夏得郡故司
經全延庚之阡郡紀載郡自明永樂十一年置十二

石阡府志

卷一

紀論

四

年建

文廟正統十四年燬成化十六年郡守余志重修正
德五年土官楊再珍奏准築土城至嘉靖元年郡守
何邦憲始創築隆慶六年郡守吳維京建城內明經
書院萬曆二十八年貴撫郭子章討楊應龍後巡行
石阡捐貲增南北月城三十四年郡守郭原賓重修
明德書院是年冬郡守江大鯤蒞任初建祭祀各壇
廟肇南關外兩溫泉推官李應期陞
文廟正殿於上層三十八年鎮筸苗叛陷阡城郡守

石阡府志

卷一

紀論

五

至今德之明末南寧侯被我

朝官兵追至石阡推官王命來署郡事阻扎南關外迎
恩寺彌月無敢擾一民嗣遭歲屢荒郡丞傅爾礪推
官謝國陞出貲給粥全活者甚眾順治十四年武陵
侯楊國棟屯田石阡性嚴刻劾副將楊新桂新桂不
服夥眾亂城內官民銜忿悉火之存殿宇祠寺而已
時委思仁道張炳象單騎至阡加意撫恤民乃寧十
五年經畧洪承疇掃除貴州逆黨極民於水火而登
上席老死不見兵革矣此阡郡紀所載又詳所未詳

石阡府志

卷一

紀論

六

俗所不脩也竊統論之黔在萬山羅列中阡乃拳石
之多耳土不厚於西北財不富於東南而其地則在
所必關三代以前詩懲荆舒何有於黔周末吳楚爭
盟中夏黔實隣之卧側莫黔何以安斯民於枕席况
隄為越雋牂牁皆古西南夷犬牙相錯滇無黔則扼
其吭蜀無黔則掣其肘一隅之不靖實九重之憂也
此應代所為羈縻畜之前明百戰取之我

明禮樂征伐撫綏而莫定之否則竭其土之所納不足
以供本土之用歲糜餉動逾百萬其何利於黔而

關之者惟是關之非難撫之為難未關則化外之夷
也既關而生聚斯民於其地不為之策其萬全是何
異搗羣虎之穴而置赤子於其中幾何不為之手食
也安酋自濟大有功於蜀代封重爵雄掌諸蠻播賤
自楊端應募平南世襲唐職閱五代宋元至明橫恣
居播珍誠所謂夜郎自大餘苗類皆野性難馴一旦
削其土地治以流官虎視眈眈伺隙而動豈顧問哉
前明盛時於鎮遠黎平各要害原皆設兵戍之正統
間以麓川之役撤回戍兵諸苗遂得深入陷沒城池